

Niels Hemmingsen

—
Assertiones de evangelio

1579



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4° copy 2



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4° copy 2



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4° copy 2



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 759 4^o copy 2

L. N. No. 759.

3-151

40

Box





LN 759

ex. 2



Kay Haegs eds





ASSERTIONES
DE EVANGELIO,
PROPOSITÆ IN DISP.
TATIONEM

✓
NICOLAO HEMMINGIO.

II. Februarij, Anno Domini

1579.



H A F N I A E

Impressit Andreas Gutteruitz,
Anno M. D LXXIX.

ASSERTIONES

DE EVANGELIO

ET POSITE IN QUINT


TATIONEM

2

NICOLAS HENNING

in, 1570, 1571

1571



IN FINE

Imprimatur

1571



Kay Hægs Samling
1970.

1.

Euangelium est leta annunciatio
Salutis, homini perduto per Chri-
stum partæ.

2.

Seu vt apertius cum Luca di-
camus: Euangelium est vniuersa-
lis prædicatio conuersionis & remissionis peccatorum
in nomine Christi.

3.

Hæc definitio euoluta quatuor ordine spectanda
continet, videlicet quidnam offerat Euangelium, qui-
bus, qua cum conditione, cuiusq; merito. Hæc quatuor
rectè explicata quæ sit Euangelij vis nobis probè do-
cebant. Quare ordine de his, sed breuissimè dicemus.

DE PRIMO.

4.

Quid offert Euangelium? Remissionem pecca-
torum.

5.

Hic tria simul sunt cogitanda, vt intelligatur
quam letus sit nuncius Euangelium, videlicet quid
præcedat remissionem peccatorum, quid cum ea con-
iunctum sit, quidq; eam comitatur.

A 2

Præce

6.

Præcedit remissionem peccatorum, peccatum, reatus, ira Dei, maledictio, tristissima servitus sub Sathana, & obligatio ad æternas pœnas.

7.

Cum ergo Euangelium prædicat remissionem simul prædicat liberationem à peccato, à reatu, ab ira Dei, à maledictione, à tristissima servitute Diaboli, & ab obligatione ad æternas pœnas.

8.

Coniuncta sunt cum remissione peccatorum, iustificatio, regeneratio, adoptio, libertas, liber ad Deum accessus, & arctissima quædam cum Deo coniunctio.

9.

Sequuntur remissionem peccatorum immortalitas, gloria sempiterna, fruitio Dei in omnem æternitatem, breuiter constans beatitudo & felicitas.

10.

Qui hinc non potest colligere quàm sit leta annunciatio Euangelium, asinus potius quàm homo censendus est.

DE SECVNDO.

11.

Quibus offert Euangelium remissionem peccatorum? peccatoribus, usq; omnibus absq; discrimine ordinum, conditionum & nationum.

Sit

12.

Sic enim veritas dicit: prædicate Euangelium omni creaturæ, intelligens per omnem creaturam omnes homines, cuiuscumq; ordinis, conditionis aut nationis fuerint.

13.

Qui ergo negant gratiam Euangelij vniuersalem esse, Euangelij gratiam impiè contrahunt, Christo se opponunt, & miserè se ipsos & alios seducunt.

DE TERTIO.

14.

Qua cum conditione offert Euangelium remissionem peccatorum omnibus peccatoribus? cum conditione μετανοίας, hoc est conuersionis ad Deum per fidem in Iesum Christum.

15.

μετανοία seu conuersionem præcedit dolor secundum Deum, qui vt ex offensa Dei in corde hominis nascitur ad prædicationem legis, ita μετανοία concipitur in hominis corde ad prædicationem Euangelij, in qua spiritus sanctus est efficax.

16.

Est autem conditio μετανοίας & fidei eadem, nam per fidem fit conuersio, ideo Dominus mandato de prædicando Euangelio omnibus gentibus addit: quisquis crediderit saluus erit.

A 3

VI

17.

Vt autem conditio fidei seu μετανοία requiritur, ut applicetur beneficium, ita conditio perseverantiæ necessaria est, ut retineatur acceptum.

18.

Ideo Autor Epistolæ ad Hebræos dicit: Participes Christi effecti sumus, si tamen initium fiduciæ eius usque ad finem firmum tenuerimus. Item qui perseveraverit usque ad finem hic saluus erit.

19.

Hæc perseverantiæ conditio euertit dogma eorum, qui sentiunt hominem, qui semel cepit credere, non posse amittere fidem, quasi fides esse posset vastata conscientia, & expulso de corde spiritu sancto.

20.

Vt ergo μετανοία salutarem præcedit dolor secundum Deum, ita eandem necessario comitatur noua obedientia, sine qua conuersio seu fides retineri non potest.

21.

Atque hinc est quod pii in Ecclesia doctores tres pœnitentiæ seu conuersionis partes faciant, videlicet contritionem, fidem, per quam fit conuersio, & nouam obedientiam.

DE

DE QVARTO.

22.

Cuiusnam merito Euangelium offert penitenti-
bus remissionem peccatorum? Solius Christi mediato-
toris, ideo ait oportet prædicari remissionem peccato-
rum in nomine meo.

23.

Hæc locutio, in nomine meo, vnum excludit, alter-
rum includit: excludit meritum hominis penitentis, &
includit meritum Christi passi pro nobis & resusci-
tati.

24.

Porro triplex meritum Christi ex scripturis sta-
uitur, videlicet mortis, obedientiæ, & intercessionis.

25.

Meritum mortis Christi abolet peccatum iuxta il-
lud: ecce Agnus Dei qui tollit peccatum mundi. Item
Christus semel oblatus est ad multorum haurienda pec-
cata, Item sanguis Christi emundat conscientias ab ope-
ribus mortuis.

26.

Meritum obedientiæ Christi, qua videlicet legi
satisfactum est, nobis confert iusticiam. Nam Christus
suam obedientiam nobis imputat, quâ iusti appareamus
in conspectu Dei. Ideo Paulus ait: Christus est finis le-
gis in iusticiam omni credenti.

Meritum

27.

*Meritum intercessionis est, quo reconciliamur
Deo per mediatorem Dominum nostrum Iesum Chri-
stum.*

28.

*Neq. si Paulo credimus, competit ulli interces-
sionis dignitas nisi ei qui dedit se ipsum ἀντίλυτρον pro
omnibus. 1. Tim: 2.*



